

zaštita i očuvanje kulturno-historijskog naslijeđa, zaštita okoline, strategija razvoja malih i srednjih preduzeća, međunarodni odnosi, sport i druga područja od međusobnog interesa za oba grada.

Član 3.

Gradovi će sarađivati na nivou gradskih vijeća, gradonačelnika i gradskih uprava, te razmjenjivati iskustva u funkcioniranju gradskih organa, na svim područjima djelovanja, u oba grada.

Član 4.

Gradovi će na nivou gradskih uprava posebno podržavati saradnju obrazovnih ustanova, istraživačkih instituta i univerziteta, u formi razmjene profesora i studenata, te u razmjeni informacija.

Član 5.

Gradovi će u okviru svojih mogućnosti i nadležnosti podržavati aktivnosti subjekata iz područja kulture i umjetnosti u oba grada, posebno festivala vezanih za filmsku umjetnost.

Član 6.

Gradovi će u okviru svojih mogućnosti i nadležnosti podržavati aktivnosti poslovnih subjekata u oba grada, s ciljem razvoja turističke, poduzetničke, trgovinske i sajamske saradnje.

Član 7.

Gradovi izražavaju želju da poticanjem saradnje i međusobnih prijateljskih veza doprinesu osiguranju i očuvanju mira i saradnje u regiji, te će, u tu svrhu, razmjenjivati informacije i usklađivati aktivnosti na širem međunarodnom nivou.

Član 8.

Ovaj sporazum se sklapa na neodređeno vrijeme i stupa na snagu danom njegovog potpisivanja, a na toj osnovi formirat će se zajednička komisija koja će svake godine određivati program konkretnih aktivnosti dvaju gradova.

Član 9.

Ovaj sporazum sastavljen je u po dva primjerka na bosanskom i hrvatskom jeziku, a obje su verzije vjerodostojne.

Ovaj sporazum je potpisan u Sarajevu, dana 21. septembra 2012. godine.

GRAD SARAJEVO
Gradonačelnik
Prof. dr. **Alija Behmen**, s. r.

GRAD PULA
Gradonačelnik
Boris Miletić, s. r.

OPĆINA CENTAR

Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinski načelnik je dana 12.04.2013. godine, verificovao i donio

ODLUKU

O KOREKCIJI REGULACIONOG PLANA "ČOBANIJA"
(stambenog objekta - Vokić Biljane)

Član 1.

Utvrdjuje se Korekcija Regulacionog plana "Čobanija" ("Službene novine Kantona Sarajevo", broj 20/09), u daljem tekstu: Korekcija Plana.

Član 2.

Korekcijom Plana utvrđena je građevinska parcela za zadržavanje stambenog objekta spratnosti P+1, na parceli označenoj kao k.č. 1149 k.o. Sarajevo VIII, Općina Centar, kao i formiranje kolskog pristupa iz ulice Ejuba Ademovića, na način kako je prikazano u Elaboratu o Saobraćajnom rješenju urađenom od strane Damira Ferizovića, dig., a na osnovu Izvještaja o uslovima stabilnosti na lokaciji stambenog objekta urađenog od strane prof. dr. Zlatko Langof, dipl. ing. građ., a nakon monitoringa preporučenog od Zavoda za izgradnju KS, prema sljedećim urbanističko-tehničkim uslovima:

- Kolski priključak iz ulice Ejuba Ademovića na predmetnu lokaciju moguć je na način kako je prikazano u Elaboratu o Saobraćajnom rješenju urađenom od strane Damira Ferizovića, dig., kako je prikazano na grafičkom prilogu br. 2.
- Regulaciona linija građevinske parcele i građevinska linija stambenog objekta definisana je u grafičkom prilogu br. 2. i br. 3.
- Spratnost objekta je prizemlje+sprat, horizontalnih gabarita 9,0 m x 8,6 m.
- Potrebno je obezbijediti parking prostor unutar regulacione linije parcele planiranog objekta sa minimalnim brojem 1 stan - 1 parking mjesto.
- Stambeni objekat mora ispoštovati sve tehničke standarde, odnosno sigurnosno tehničke mjere koje su

zakonom propisane, kao i sve zakonom propisane uslove zaštite prirodne sredine i okoliša.

Član 3.

Korekcija Plana je radena za fazu urbanizma i separat "Analitička obrada građevinskih parcela", a obaveza investitora je da za faze komunalne infrastrukture i saobraćaja izvrši usaglašavanje Korekcije Plana sa Idejnim rješenjima, koja su sastavni dio Regulacionog plana "Čobanija", te da pribavi saglasnost nadležnih javnih komunalnih preduzeća.

Član 4.

Korekcija Plana sastoji se iz tekstualnog dijela i grafičkog priloga sa prikazanom parcelom i građevinskom linijom planiranog objekta.

Tekstualni i grafički prilozi Korekcije Plana, sastavni su dio Regulacionog plana "Čobanija", ("Službene novine Kantona Sarajevo", broj 20/09).

Član 5.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Centar, Zavoda za planiranje razvoja Kantona Sarajevo, Gradske uprave Grada Sarajeva i Ministarstva prostornog uređenja i zaštite okoliša Kantona Sarajevo.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 07-23-2607/11
12. aprila 2013. godine

Općinski načelnik
Dževad Bećirević, s. r.

Objavljeno na oglasnoj ploči Općine Centar dana 12.04.2013. godine

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinski načelnik, dana 16.04.2013. godine, verificovao je i donio